



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ex Recogniti||one Des. Eras-||mi Roterodami.||

Erasmus, Desiderius

Basileae, 1518

VD16 E 3644

Dionis Cassii Nicaei Nerva Cocceivs. Georgio Mervla Alexandrino
Interprete.

urn:nbn:de:hbz:466:1-14277



D I O N I S C A S S I I N I C A E I

NERVA COCCEIVS

G E O R G I O M E R V L A A L E X
X A N D R I N O I N T E R P R E T E .

OST Domitiani cadē Romæ Cocceius Nerva im-
perator designatur. Flagrabant adhuc odio in Do-
mitianum ciues, quare statuæ omnes tum aureæ, tum
argenteæ in illius honorem constitutæ, subito con-
flatae fuerunt. Arcus præterea in eiusdem unius titulum
& nomē sustructi, euertuntur. Caterū Nerva omnes
qui impietatis in deos rei fuerant, eos absolui uoluit.
Exules in patriā reduxit. Serui atq; libertorum pluri-
mi, dominis atq; patronis insidias fecerant. Hos ad
unum occidi imperauit. Et ne serui de cætero dominos criminarētur, edicto ue-
ruit, Neue liceret aut impietatis, aut Iudaicæ sectæ quempiam dehinc in simula-
ri. Multorum tamen nomina falso delata. Inter quos Suras philosophus con-
demnatus fuit. Deinde non leui de causa aut fortuito tumultus oritur, sed quia
ex libidine quorundam multi iniuste accusarētur. Quare Fronto consul propa-
lām dixisse fertur. Malū esse eū imperāre sub quo nemini quippiā concessū sit,
sed longe peius sub eo uiuere sub quo maxime liceat. Quæ uerba posteaq; Ner-
uæ nuntiata fuerunt, ne talia deinceps fierent, magnopere curauit. Erat is per se-
nectutem paulo imbecillior, graui insuper morbo affectus, cibum ferè euome-
bat: sed ne sibi statuæ ex auro siue argento constituerentur, omnino recusauit.
Per multos Domitianus dum imperaret bonis atq; fortunis iniuste spoliaue-
rat: quibus per uim ablata, restitui duntaxat ea uoluit, quæ in aula reperta fuis-
sent. Ad sustentandam ciuium uitam, decies & quinquagies centena milia num-
mūm erogauit: & quosdam senatorij ordinis delegit, qui agros emerent, eosq;
egenis diuiderent. Pecuniæ inops factus, uestes primum & uasa aurea atq; ar-
gentea, prætiosam præterea supellectilem, siue sua propria, siue publica & re-
gia foret, auctioni subiecit. Agros, item ingentis domos, & omnia demum, præ-
ter admodum necessaria, uendidit. Nihil tamen segnior in iuuandis & extol-
lendis amicis erat. Compluribus ingentia beneficia contulit. Sed ut impedia cō-
traheret, sacrificia non pauca, equorum cursus atq; certamina, nec minus specta-

Nerua impē-
rator.
Domitiani
statuæ con-
flatae.

Christianos
intelligit.

Iudaica se-
cta,
Suras philo-
sophus.
Frōto cōsul.

Libere di-
ctum,
Nerua: mo-
destia.

Nerua: libe-
ralitas.

p cula

Mares ca/
strari uetuit.
Ruffus Vir/
ginius.

cula quaedam sustulit. In curia illud iurauit, suo iussu neminem senatorum occi-
sum iri. Quod sacramentum, quamuis etiam insidijs petitus esset, inuiolatum
seruauit. Nihil unquam de suo arbitrio statuit, sed principes uiros in consilium
semper adhibebat. Leges tulit multas, cum de alijs, tum maxime ne mares ca-
strarentur. Neue fratris filiam uxorem ducere fas esset. Ruffum uero Virginiū,
quem Romanae legiones olim imperatorem nominauerāt, minime ueritus est,
uel in consulatu collegam assumere. In huius etiam sepulchro illud quidam in-
scripsere.

Ruffi epita/
phium.

HIC SITVS EST RVFFVS, PVLSO QVI VINDICE QVONDAM
IMPERIVM ASSERVIT NON SIBI SED PATRIAE.

Integritatis
fiducia.

Tāta erat illi integritatis fiducia, ut saepe iactauerit se nihil tale fecisse, quo mi-
nus deposito imperio, securius priuatā uitā ageret. Coniurauerat in eum forte

Crausus Cal/
phurnius.

Crausus Calphurnius, Crausorum nepos. Hunc cum caeteris coniuratis dum lu-
di ederentur assidere iuxta se uoluit. Nesciebant coniurationem patefactam ef-
se. his gladios obtulit, quos scilicet inspicerent atq; pertentarent, satis ne acuti fo-
rent. Re autem uera significabat, non admodum sibi curae esse, si uel tunc eo in

Aelianus
Casperius.

loco occideretur. Praefectus erat praetorijs Aelianus Casperius, quam praefectu-
ram etiam sub Domitiano gesserat. Hic tumultuantes Praetorianos, aduersus
Neruum concitauit: hoc sanē consilio, ut per speciem ulciscendae seditionis quos-
dam eorum, ceu hostes Caesaris, ad mortem posceret. Sed Nerva Casperio ta-
lia molienti adeo restitit, ut denudato collo, iugulum confodiendum porrigeret.
quāq; nihil profecit. Nā hi ferē omnes quos Casperius designauerat, interfecti
sunt. Quare cū ob senectam atatem, amissa reuerentia, omnibus contemptui
quodāmodo esset, in Capitolium ascendit, atq; quod felix faustumq; s. P. Q. R.
& mihi ipsi sit praefatus, Marcum Vlpium Traianum adoptauit, Moxq; in cu-
ria Caesarem designat. Ad quem imperij iura atq; insignia, praerant enim tunc
Germania; hoc uersu misit.

Traianus a
Nerua ado/
ptatus.

Telis Phoebe tuis lachrymas ulciscere nostras.

Ita Traianus adoptatus a Nerua, deinde imperator factus est. Caeterum in hoc
bonitas Neruae & studium in Rempub. maxime apparuit. Nulla intercedebat
cum adoptato cognatio, imo uero propinquos & cognatos quā plurimos ha-
bebat: publicae tamē utilitati atque salutī, societatem sanguinis postposuit. Ne-
que eo deterritus, quod Traianus genere Hispanus, aut ex Italia oriundus non
esset: quodq; ante eum peregrinus & alienigena Romanum imperium non te-
nuisset. VIRTUTEM hominis, non genus aut patriam spectari oportere exi-
stimauit. His confectis, Nerua moritur. Imperauit anno uno, & mensibus qua-
tuor, ac diebus nouem. Vixit autem annos quinque & sexaginta, menses decem,
& dies totidem.

Virtutē ho/
minis nō ge/
nus aut pa/
triā spectari
oportere.

Dionis